

COMMUNICAZIUN A LAS MEDIAS **pro infirmis**

In project da Pro Infirmis Grischun

Metter ord via obstachels dal mintgadi

Entschatta dal project per il 15avel Cristal da Pro Infirmis

Metter ord via obstachels dal mintgadi – quai è la finamira da la surdada dal Cristal da Pro Infirmis da quest onn cun il tema «Nus n'ans laschain betg impedir». Umans cun in impediment, lur parents e lur personas da referiment obtegnan la pussaivladad da render attenta la publicitad a lur obstachels dal mintgadi. En in segund pass pon vegnir inoltradas soluziuns pussaivlas per quests obstachels dal mintgadi. Il project cumenza ils 3 da matg 2021. Quel di vegn messa en la rait la pagina d'internet www.alltagshuerden.ch. Las victuras u ils victurs da las meglras soluziuns vegnan eruids da personas pertutgadas e d'ina giuria.

Pro Infirmis s'engascha per l'inclusiun e l'autodeterminaziun d'umans cun in impediment. Per la 15avla giada surdat Pro Infirmis Grischun il Cristal da Pro Infirmis. Entant che la distincziun undrava pli baud prestaziuns spezialas a favur d'umans cun in impediment, stattan oz en il center ils umans cun in impediment sezs. Cun il project actual vul Pro Infirmis, ensemen cun personas pertutgadas, render attentas la publicitad e la politica als obstachels dal mintgadi da personas cun in impediment e preschentar soluziuns pussaivlas.

Obstachels dal mintgadi

Bleras personas enconuschan ed inscuntran en lur mintgadi obstachels che restrenschan u disturban ellas. Cun il Cristal da quest onn duain personas pertutgadas e lur personas da referiment obtegnair la pussaivladad da render attent a lur obstachels dal mintgadi. Ils obstachels dal mintgadi pon ins metter online e publitgar sut www.alltagshuerden.ch. En in segund pass pon vegnir inoltradas – en il rom d'ina bursa d'ideas e d'ina concorrenza – soluziuns pussaivlas per quests obstachels dal mintgadi. Quellas propostas vegnan validadas d'ina giuria e da las personas che han sezzas inoltrà ina contribuziun. Da la giuria fan part personas pertutgadas, specialistas e represchents da la politica e da l'economia.

Il project

Ina finamira è prioritara per tut ils projects da Pro Infirmis: integrar umans cun in impediment. Per pudair sviluppar il project «Obstachels dal mintgadi» ha Pro Infirmis creà ina gruppa accompagnanta. Quella ha l'incumbensa da cussegljar e da sustegnair il team da project da Pro Infirmis. Uschia po vegnir garanti che la vista da las personas pertutgadas vegnia resguardada en tut ils pass dal project, damai da la planisaziun fin a la realisaziun. La gruppa accompagnanta sa cumpona da quatter personas ch'èn pertutgadas da differents impediments.

La campagna «Dar nagina schanza ad obstachels dal mintgadi» è in project chantunal per in bun intent che vegn sustegnì vastamain. Per ch'ins possia sensibilisar la populaziun e cuntanscher personas interessadas, è la campagna dependenta dal sustegn medial.

La surdada dal premi

La rangaziun da las propostas e la surdada dal premi publica han lieu ils **22 da november 2021 en il Titthof** a Cuiria. Pro Infirmis spera ch'il project haja in grond effect general. Tuts èn envidads da sa participar. Ultra da la renconuschientscha publica datti premis attractivs.

Cuiria, ils 22 d'avrigl 2021 / Pro Infirmis Grischun